



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCII. ad annum CCCCXXX.

Parisiis, 1644

Valentiniani III. Caesaris Constitvtio De diuersis ecclesiasticis capitibus in
Galliam missa Theodosio Augusto XI. & Valentiniano Caesare consulibus,
anno Christi CCCCXXV.

urn:nbn:de:hbz:466:1-14918

VALENTINIANI III. CÆSARIS
CONSTITV TIO

De diuersis ecclesiasticis capitibus in Galliam missa Theodosio Augusto x i. & Valentiniano Cæsare consulibus, anno Christi ccccxxv.

- | | |
|---|--|
| I. <i>Vt priuilegia ecclesis seruentur.</i>
II. <i>Clerici ad sæculares iudices non trahantur.</i>
III. <i>Vt pellantur episcopi Pelagiani.</i> | IV. <i>Manichei item, omnesque heretici, cum mathematicis.</i>
V. <i>Vt Iudeis causas agere, aut militare non liceat, nec mancipia Christiana habere.</i> |
|---|--|

*Imperator Theodosius Augustus, & Valentianus Cæsar,
Armatio viro illustri præfetto prætorio Galliarum.*

I.

Codicis
Theod. de
episcop.
ecclef. &
cler. lib. 47.

PRIVILEGIA ecclesiarum, vel clericorum omnium, quæ saeculo nostro Tyrannus inuiderat, prona deuotione reuocamus. scilicet vt quidquid a diuis principibus singuli quique antistites impetrarunt, iugi solidata æternitate seruetur: nec cuiusquam audeat titillare præsumptio, in quo nos nobis magis præstitum confitemur.

II.

Clericos etiam, quos indiscretim ad sæculares iudices debere deduci infaustus præsumptor edixerat, episcopali audientiæ reseruamus: his manentibus, quæ circa eos sanxit antiquitas. Fas enim non est, vt diuini muneris ministri temporalium potestatum subdantur arbitrio. Inlustris auctoritas tua omni æuo mansura, quæ iussimus in prouinciarum missa notitiam, præcipiet etiam sub poena sacrilegii custodiri; specialiter id inlustribus comprehensura præceptis, vt in omnibus circa ecclesiastica priuilegia veterum principum statuta seruentur.

III.

Diuersos vero episcopos nefarium Pelagiani & Cælestiani dogmatis errorem sequentes, per Patroclum sacro-sanctæ legis antistitem præcipimus conueniri. Quos quia confidimus emendari, nisi intra viginti dies ex conuentio-nis tempore, intra quos deliberandi tribuimus faculta-

VALENTINIANI IMP. CONSTITVTIO. 673
tem, errata correxerint, seseque catholicæ fidei reddiderint, Gallicanis regionibus expelli, atque in eorum loco sacerdotium fidelius subrogari: quatenus praesentis erroris macula de populorum animis tergeatur, & futuræ bonum disciplinæ iustioris instituatur.

IV.

Sane quia religiosos populos nullis decet superstitionibus deprauari, Manichæos, omnesque hæreticos, vel schismaticos, sive mathematicos, omnemque sectam catholicae inimicam, ab ipso aspectu vrbiuum diuersarum exterminari debere præcipimus, ne praesentiæ quidem criminosorum contagione foedentur.

V.

Iudæis quoque, vel paganis, causas agendi vel militandi licentiam denegamus: quibus Christianæ legis nolumus seruire personas, ne occasione dominii sectam venerandæ religionis immutent. Omnes igitur personas erroris infasti iubemus excludi, nisi his emendatio matura subuenierit. Data vii. Idus Iulias Aquileiæ, confi. D. N. Theodosio Augusto xi. & Valentiniiano Cæſare consulibus.

Cod. Theo-
dos. De hæ-
reticis l. 64.

NOTA IACOBI SIRMONDI
SOCIETATIS IESV.

¹ *Valentiniani III. Cæſaris constitutio.*] In optimo & antiquissimo codice ecclesiæ Lugdunensis, in quo post Synodos Gallicanas adiectæ ad finem sunt integræ diuersorum principum constitutiones 16. de rebus ecclesiasticis, dueto ab iis tribus initio, quæ iam editæ sunt ad calcem codicis Theodosiani, huic Valentiniani Cæſaris constitutioni, qui sexta ordine numeratur, titulus argumenti loco est huiusmodi: *Non licere clericos iudicio publico litigare, & omnes hæreticos deberre ciuitatibus proiici, & Christianos seruos non debere Iudeis seruire, & Iudeos non debere militare.*

ANNO
CHRISTI
427.

CONCILIVM
CONTRA MASSALIANOS HÆRETICOS
IN ORIENTE CELEBRATVM ANNO CCCCXXVII.
sub Cælestino pontifice.

NOTA.

² *Concilium.*] Anno Christi 429. Cælestini 4. Theodosii 20. celebrata est Synodus in oriente, in qua aduersus Massalianos hæreticos,

Causa, lo-
cus & tem-
pus Conci-
lii.